

دائرة مخصوصه

درسعادتده باب عالی جوارنده

محل اداره :

مشرط القلم

اخطار :

مسلكمزه موافق آثار جديده مع المنويه
قبول اورانور

درج ابدله بن آثار اعاده اورانور

ديده، فلسفه، علوم، حقوق، ادبيات، سياسيات، و باظافه كرك سياسي و كرك اجتماعي و مدني احوال و مشوره اسلاميه و در بحث ايد و هفته در نشر انور.

آبونه بدلی

سنه لکی

التي آيلغی

ممالک عثمانیه ایچون	۸۰	۴۰	غروش
روسیه	»	۶۰۰	روبله
سائر ممالک اجنیه	»	۱۷	فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادتده نسخہ سی ♦ ♦ پارہ در

قیرلہ دن مقوا بورو ایله کوندریلیرسه سنوی
۲۰ غروش فضلہ آلنیر

اوچنچی جلد

۳۰ محرم ۳۲۸ پنجشنبه ۲۸ کانون ثانی ۳۲۵

عدد : ۷۵

عبارت قلمق معنایه محمول اوله ماز . بلکه مقصد « الصلوة عماد الدین » کی احادیث شریفه دلائله احکام معامله بی ده دیندن خارج بر اقامه عبادات کی معاملات دنیویه نیک ده اهمیت افاده ایتک اوله حق .

برده جرأته باقک که حدیث دیدیکی بو عبارتده کی (معامله) بی حسن معاشره و کنیجه نهدن عبارت ایسه او معنایه تربیه اجتماعیه به حمل ایدیورده بوتون مسلمانلری بوندن خالی کوره رک هیئت عمومی اعتباریله ، بلا استثنا جمله سنی بدین و بلکه بی دین عد ایلور . اونک نظرنده مسلمانلر یالکیز نماز قلمق ، اوروج طومق بیلیرلر مش ، بالجملة طوائف خرسائییه و موسویه و سائر نک آشنا بولندقلری (معامله) یه مسلمانلرک هیچ بر فردی آشنا دکلش ، بزر کاملاً تربیه اجتماعیه دن محروم ، صاحبپر لکدن اوزاق بر آلائی بدخو ، سیزه جو کیمسه لردن عبارت ایمیشز .

آره مزده بولمان سائر ملتلری ، جماعتلری هب تربیه لی آدمقر قرض ایتدیکی خالده مسلمانلری غایت وحشی ، حسن امتزاج و اشتلافدن متحاشی کوسترمکه قالدیشور . بونک بو حالی مسلمانلری مانع تمدن و ترقی عدا ایتمکه یلته ن دشمنلره قاتلق [۶] ، اونلرک منافعه جالشمق دکلده نهدر .

بویله بر بهتان عظیمی ارتکاب ایسه منافع مادییه محبوب اولان سفهای ناسدن باشقه کیمک کاریدر ؟

سائر ملتورده اولدینی کی بزده ده بویله بد اخلاق و منفعتپرست کسانک وجودینی انکار ایتیورز . فقط له الحمد بک آز اولدقلری بیلمکه متسللیز .

تصحیح : بکن مقاله مزده کورولن شو [هینسه ریا - مجالس علیینه ده - سرفه - خلاف] ترتیب سهولرینک طوغرؤسی : [هیسته ریا مجالس علیینه ده - سرفه - خلاق] در .

مناسرتلی اسماعیل حق

عصر سوره جلیله سنک تفسیری

(صبر) ایسه بتون اخلاق فاضله نک آناسیدر که قرآن کریمده یتیمش یرده ذکر اولمسنی مرتبه فضیلتی کوستر بر دلیل اولمق اوزره ایراد ایدرلر . بو عهده ایمن او قدر بیوک بر فائده تأمین ایتمز ، بزه لازم لولان کتاب اللهده صبرک ثنا ایله ذکر اولندیغنی ، ارباب صبرک فوز و فلاح ایله تبشیر ایدلدیکنی سوبلکدن عبارتدر .

صبر نه در ؟ صبر و حک بر ملکه سیدر که : طریق حقه تحملی مشکل اولان شدانده قاتلامق ، نفسک خوشلاقمی مشقتلره راضی

[۶] نصل که « عرفان و فضیلت بوتون ادیان حق و حقیقت دینسه ارجاع ایده جکدر . » دیمسده بوکا ایمادر . جاهل ظن ایدیور که علوم و فنون تکامل و تعمیدینجه ادیان سائر کبی دین اسلامده انقراض ایده جک ، بوتون دنیا دینسز لکه قرائ و بره جکدر . شو حقیقی فرق ایده میور که بالجملة تقرعانه وارنجه علوم حقیقیه مطابق اولان دین میمنز ترقیات علمییه ایله نزل دکل ، نظاهر ایتکده در .

چین دیارندن بیلله فوائد علمییه ، صنایع مدنییه جلبی امر و فرمان بیورمشلردر [۴] آیان قرآنییه و احادیث نبویه ده توجه و ثنا بیورولان « حکمت » دین و دنیاچه نافع اوله حق ، فوائد معنویه و یا اقتصادیه تأمین ایده جک هر قول و فعله شامل ایسه ده بزم خارجدن استجلاب و اقتفاسنه لزوم کوره بیلله جکمز اقوال و افعال نافع یالکیز دنیاچه عائد اولان اقسام و تقرعانه منحصر در . دینه و اساس تمدن دائر حکمتلر هیچ بری کتساب کریمز ایله سنن سنی نبویه مزدن خارج قلمق احتمالی یوقدر . بویانمز قارئی مناقشه یه جرئت ایده بیلیمک انسانک بالکلیه بصر و بصیرتدن محروم اولمسنه متوقفدر . بناءً علی ذلک بوکا دائر تفصیل کلامی عد ایدرز .

دوقنور دوزینک پرستشکار معهودی ایسه دین مبین احکامنه ، حتی نبوت و رسالت کی اک برنجی اساسلرینه مبین کلمات کفریه بی طرف رسالتنهایدن توصیه بیوریلان حکمتلر عدا دینه ادخال ایله حدیث مذکوریه ده سوء استعماله جرأت ، ساخته کارلغه غیرت ایتسی بویوک بر شاعتدر . او قدر بویوک که دنیاچه بونک فوقنده فضاحتکارانه شارلاتانلق وقوع بولمامشدر ، دینسه بجادر . عبد مؤمنه تحریسی توصیه بیوریلان حکم عالیه ایچنده اونک ایمان و اسلامی سلب و احیا ایده جک شیلرک وجودی اک چیلغین دیوانلر بیلله تحلیل ایده میه جکی آشکاردر .

(۳) « الدین المعامله » عبارت سهیلله در میان ایتدیکی حدیثک اصلی یوقدر [۵] اولسه بیلله اونک آکلادینی کی دین مبینی معامله صرفه دن

[۴] بو اوامر جلیله ای تبعاً اسلاف گرامز موقی ، احوال آخری خاطر لردن چیقارماقله برابر امور دنیایی ده اصلاً مهمل بر اقامشدر . « انما لامل رحمة من الله لامتی » حدیث شریفی امور نافع نک هر شعبه سنه تطبیق ایله هیچ بروظیفه لرنده تکاسل ایتیورلردی . بوکون چشم مباهاته کورمکده اولدیغمز مبانی عالیه ، علم و معرفته دائر آثار خالده لری اونلرک هر ایکی جهتی حسن اداره ایتلرینک دائمی شاهد لیدر . اگر سنی و امل قواعد شرعییه سی واجب الرعا به طو قوش اولسه یدی بو تأسیسات نافعیه دکل ، عادی شیلره بیلله تشبث ایتلردی . چونکه ازدواجله اولاد یتشدریمک ، زراعت و تجارت امور یله اشتغال ایتکده طبع بشریه مودوع الی اولان امل نتیجه سیدر . فقط مراعات حقوق شرطیله مشروعدر . نصل که حدیث مذکورک آخرنده تصریح بیورلشدر . [جامع صغیره باق] بوامتک ارباب بصیرتی دائماً « یارب اوله جک کی آخرته ، ابدی قاله حق کی دنیاچه چالش » مألده کی حدیث شریفی دستور حرکت اتخاذ ایتکده در . لکن مع التأسف صکرادن پیدا اولان بر طاقم جاهل بی وایه لشرع انورک ارشاد و توصیه بی خارجه چیقاری عطالت و تکاسله رواج و بر مشلر ، عادات رهبانیه قریب بریول طومشیلردر . کویا بو طاقم تشبثات نافع ایله اشتغال منهی عنه اولان « طول امل » اثری ایتش . حال بوکه طول امل مذموم لدانده عاجلیه انهماک ، یالکیز امور دنیویه به استغراق ایله احوال آخری بالکلیه فراموش ایتکدن عبارتدر . تقریظ ایله افراطک ایکسی ده مذموم اولوب اعتدالی کوزتمک مقتضای حکمت اولدینی هر کسک بیلدیکی بر حقیقتدر . بومشله بی تنویر ایدن احادیث شریفه نک بریده « خیرک من لم یتروک آخرته لدنیه ولا دنیه لا آخرته » حدیثدر که اتمامیله برابر معنای منینی بشقه اثرلر مزده توضیح اولمشدو .

[۵] « الدین » لفظیله باشلایان حدیثلر بزم بیلدیکنز ، جامع صغیره کی « الدین النصیحه » یعنی دین اسلامک اک بیوک رکنی هر کسه خیر خواهلقی ، غل و غشیدن آزاده لکدر . برده « الدین میسر » یعنی دین مبین سهولت نامه بی حاوی ، بی لزوم تکلفدن عاریدر . حدیث شریفلردن عبارتدر .

اولی آنجق اوملکه سایه‌سندده ممکن اوله بیلیر . او حالده صبر اوله برخصلتدرکه بتون خصلتدرک کالی اوکا تعلق ، دها طوغریسی اوکا توقف ایدر . صبرک فقدانی ، یاخود ضعیفی قدر بیوک مصیبت انسان ایچون تصور اولنه‌ماز . افرادنده سجه صبر کسب ضعف ایتمش اولان برامتک هرشیئی ضعیف اولور ؛ اسباب قوتی کلاً بیتر . بوکا مثال اوله‌رق بوکونکی اقوام مسلمده‌دن بالفرض برنده کی نقصان علمی ایراد ایدم : ایشه نظر امعان ایله باقه‌جق اولورسه کز بوفلا کتک سببی‌ده صبرک ضعفنده بولورسیکیز . زیرا کوریورز که شعبات علمدن برینه انتساب ایدن آدم او شعبه‌ده اختصاص صاحبی اوله‌جق قدر اوغراشمغه ، مسائل غامضه‌یی تحقیق ایچون یورولمغه کندیسندده صبر کوره‌میور . معلوماتی تحقیق درجه‌سده واردیرمدینی ایچون فراش تقلیده یان کلوب یاتیور . هیچ بر مشقته ، هیچ بر مجاهده‌یه معروض قالمق ایستیه‌رک اسلافک مساعیسنه تعظیم ایتمکه ، اولرک کیجه‌لی کوندوزلی چالیشمش اوللرینی لسان حرمتله یاد ایتمکه کندی عطالتدن متولد قصورینی اورتمش اولیور . حالبوکه سلفه قارشی حقیقی بر حرمت بسامش واسه ایدی ، اونی کندینه رهبر اتخاذا ایلردی ؛ اونک مسلکده سالک اولوردی ؛ طریق تحریده اختیار ایتدیکی متاعبک بر قسمنه اولسون قاتلانیردی ؛ اسلاف نصل کندیلرینک معصوم اولدقلرینه معتقد ايسهلر اوده اولر حقیقه عینی اعتقادی بسلردی . شیمدی بویله بر آدمک برشی اوکرندیکی فرض ایداسه بیله خلقی معلوماتندن خبردار ایتمکه ، بیلدیکیکی اولره اوکرتمکه صبرایده‌میه‌جکی کی کندنده کی فضائی تعمیم ایچون وسائط تحریرسندده قالدشمایه‌رق دها برنجی معارضه‌ده اوینک برکوشه‌سده بوزوله‌رک بر طاقلرینک دیدیکی کی خلقی الله بر افر ، کندیس هیج مشغول اولمق ایسته‌مز . بر طالب علم برسه یاخود ایکی سنه دوام ایدر ؛ صکره تحصیل کوچلکری یوز کوستره‌رک درسی بر افر یاخود او قودینی حقیقه آکلامق خصوصنده مسامحه کارانه داورانیر ؛ یاخود باباسی مصارف تحصیلی قیصمق ایستیه‌رک اوغلی کندیس ایچون دها کارلی ظن ایتدیکی دیگر بر صنعته سوق ایدر ؛ اوغلی ده آراق طلب علمدن وار کچرک وادی جهله دالار که بو فلاکتدرک هپسی صبرک ضعفندن ایلری کلیر .

طمعکار بر آدم مالی بذل ایدم ؛ متصل بر طرفدن بریکدیرمک ایچون مجاهده ایدر طورر . بر چوق خیرلی ایشلر ظهور ایتدیکی حالده جهل‌سندن اعراض ایدمکه هیچ برینه اون پاره اولسون ویره‌مز . بوضورتله وطنه ، ملتله ظلم ایتمش ؛ قومی ، امتی نیجه فقر وهلاکه بر اقمش اولور . ایسته بو آدمک الی باغلایان سببی تدقیق ایدمکه اولورسه‌ق صبرنده کی ضعفدن بشقه برشی بولمیز . اوت بو آدم واهمه‌سندده دولاشوب ، کونک برنده اوزرینه چوکمکه کندیسنی تهدید ایدن ضرورتک خیال مهینه قارشی طوره بیله‌جک بر صبره ، برمتانه مالک اولیدی ، هم کندیسنی همده قومی اولدیرن بومهلک خسته‌لق ایله ، بو حرص ایله معلول اولمزدی . بر مسرف شهوات نفسانیسه‌سی اوغرنده بر چوق پاره‌لر هدر ایدر ؛

برهوسنه مغلوب آدم محرمانک ایچنه دالار ، نهایت ماملکی بیتر ، حالی فوالشیر ؛ عزت ذلته ، ثروت سفالته انقلاب ایدر که بونلرک کافه‌سی هوسات نفسانییه قارشی صبر ایدمه‌مکدن ، نفسی من لقه هلاکه آتلقدن آلا قویامامقدن بشقه بر سببه تابع دکلدر . اگر او آدم تمایلات نفسانیسه‌سده قارشی مجاهده خصوصنده صبر و متانت کوسترمش اولسه ایدی ، مالی ائندن کیتمز ، کندیسنی ده بوفلا کته دوشمنز ایدی . الحاصل بتون ردائی صایمق ، جمله‌سک اسباب اولیه‌سنی آراشد . یرمق ایسته‌مش اولسه‌ق یا صبرک ضعفنده ، یاخود فقداندنده قرار قیلارز ؛ کذلک بتون فضائی تعداد ایتک ، و فضائیک مابه‌الحیاتی اولان منبئی تحری ایتک مراد ایتسه‌ک یته صبره واریرز . پک اعلا ، موقعی بوقدر عالی اولان برخصلت کتاب الهیده بالخاصه ذکر اولمغه اکتساب ایقت ایتیمی ؟ (حق) علمک مدار حیاتی ، اطمئنانک مابه‌القراری ، عقلک باعث یقینی اولدینی کی (صبر) ده فضائیک یکنه سبب جلی ، ردائیک الک قوی دافی ، صالحات اعمالک باشلیجه واسطه موجودیتدر . او حالده بویله جلیل ایکی اصل اعمال انسانیه آرمسندده بالخاصه ذکر اولمق صورتیه شانی اعلا ایدمکه جدآشایاندر ؛ تا که نفوسک نظر امعان واقبالی بونلره جلب اولنسوندده ایشه بتون اعمالک صلاحی کافل اوله‌جق بو ایکی اصلک احرازندن باشلانین . شوسویلدرکری میز نظر امعانه آلانلر آیت کریمه‌ده کی حقیقنه اولدینی آکلار که اوده - ذکر اولنان اوصافی نفسنده جمع ایدنلر استئنا ایدمک شرطیه - بتون انسانلرک خسران ایچنده بولنمندن عبارتدر . بونکله برابر براردها ایضاحات ویره‌جکیز .

بزم بیان ایتمش اولدیفمز معنایه کوره ایمان نفوس بشریه‌نک اطوارندن بر طوردر که انسانیت بولندینی سو حالدن قورتلوق ایچون او طوره بوکسلمشدر .

نفوس بشریه شهواته میل خصوصنده بهائم کییدر . بر فرقی وارسه کچمشمده کی بر ذوقی تکرار استحضار ایتک ، آتیده کی حظی تمیل ایدم بیلیمکدن عبارتدر . بناء علیه الفت ایتمش اولدینی لذائذی استحصاله ، مستقبلده او لذائذک بر قاج قاتی تأمین معطوف اولان حرصی اعتباریه سائر نفوس حیوانیه‌یه تفوق ایتمکده‌در . هر نفس هوساتک معطوف اولدینی غایه ذوقی تحصیل ایچون قواسنی استعمال ایدر . شیمدی افراد بشرک هربری کندیسنی ایچون لذید ، یاخود نافع تخیل ایتدیکی بر شیء اله ایتک ، ناخوش یاخود مضر تلقی ایتدیکی بر شیء محو ایتلکدن بشقه برشی دوشونمزسه بوندن بیوک نه‌فالق تصور اولونه‌بیلیر ؟ اوله یا آرزو ایتدیکی شیء بشقه‌سک اندم کورنجه غصب ایتک ایچون هجوم ایدمکه ، یاخود کندیسنه مضر عد ایلدیکی شیئی محو ایچون صولتده بولنه‌جق . بو مهاجمک تجاوزینی منع ایچون ایسه هجومه معروض اولان شخصک قوتندن بشقه مانعده یوق . ایچلرندن هیچ بری ده خیرک ، یاخود شرک ، فضیلتک یاخود ردیله‌نک اصلنی مصدق دکل . هرکسک عندنده خیرخوش ، یاخود نافع کوردیکی شیدن عبارت ، اما اوشی بشقه‌سی ایچون فنا ، یاخود مضر اولمش ، بوجهت کندیسنجه مساوی .

ایده جگنه ایمان ایتیم ؛ او ممتاز مخلوقلرک دعوائی رسالتلرینی تأیید ایدن
دلالتله قارشى کوزیومان آدم بومرشدلرک وساطتی اولمقسزین استحصالی
مشکل یاخود بسبتون محال اولان برطاقم معرفتلردن ، حقیقتلردن
محروم قالیر ؛ شئون حیاتیه سندن برجوغنی اکلا یاماز ؛ افعالنک قسم
اعظمنده طریق صوابی کوره مز . خیره چالشق ایسترکن شره دوشر ،
منفعت امید ایتدیکی یردن ضرر کورر . پک اعلا بوندن بیوک خسران
نه اولایلور ؟

مرحوم شیخ محمد عبده

محمد عا کف



تاریخ اسلامیه دأر :

مصاحبه

آرقداشم — مهورود تاریخ اسلامیتی او قودکمی ؟

— هانکی تاریخ اسلامیت ؟

— دو قوتور «دوزی» اسمنده بری وقتيله بر تاریخ اسلامیت یازمش ،
بونک فیضندن مملکتی مستفیدایتمک ایچون صاحب خیرک بریده لسانمز
ترجه ایتمش . بو کتاب اسلامیت حقنده غایت مدھش انتقاداتی احتواء ،
اوقویانلرک بنیان اعتقادینی زیر وزر ایدیور . هر حالده مطالعه سی الزم
بر کتاب . شمدی یه قدر اوقومدیقه که تأسف اولنور .

— اوت صراط مستقیمده ده بو کتاب حقنده بعض شیلر کوردم .
مراق ایتدم . اوقویه جغم . جوق شی ! اسلامیت حقنده مدھش انتقاداتی
احتواء ، مبنای عقیده ناسی زیر وزر ایدیورمش ها ؛ اوله بیایر . فقط هر کس
ایچون دکل . اوله اولور اولماز صدمات ایله دوریلن مبنای اعتقادک ذاتاً
تملی یوق دیمکدر . هر بنا بر اولماز . بعضیسی اوافق بر صدمه ایله بیقیلور .
بعضیسی تقدیر مدھش صدماته اوغراسه ینه پابرجای استقرار اوله رق
قالیر . آنجق انسانک کندیسندن حسن نیت اولمی . مبنای اعتقاد
اوریله جق اک مدھش ضربه انسانک او بنای . بیقیمق حقنده کی عزم
مخصوصیدر . هر صدمه نک اوکنه کچایر . فقط بو صدمه نک اوکنه
کیمسه کچمز . عزم انک اعمار و محافظه سنده مصروف اولورسه توجه
ایدن هر صدمه بویینک اولچیسنی آلیر . کلدیکی یره کیدر .

— بن اونی بونی بیلیم ، کتاب مدھش والسلام . انسان اوقویچه
آت اوست اولور . لقردی ایله ایش اولماز . رد ایدلی ، جواب
ویرملی ، یوقسه ...

— اوو ! دوزینک سمیات کفر آلودینک «دوز - Dose» ی
سکاده فنا تأثیر ایتمش ، عادتا موازنه یی غالب ایتدیرمش ! اوقدر تلاشه
لزوم یوق ، کندیکه کل . اسلامیت ، بدایت ظهورندن بو آنه کلنجه یه
قدر بیکرله «دوزی» لرک هجومه معروض اولمش ، کوکس کرمش ،
او بنا اوله قولای قولای بیقلماز .

— اوت طوغری . فقط قوری لافله ده ایش اولماز . برشی
حقنده وارد اولان اعتراض انک مدلاً ردیله دفع ایدیله بیلیر . یوقسه
قول مجرد رد دعوا یه حجت اوله مار .

ایمدی بویله عظیم بر اصله ، یعنی خیر ایله شرک بینتی تمیزدن
عبارت اولان اصله شعوری لاحق اولدینی فرض اولسان نفوس
بشریه ایچون بوندن بیوک محرومیت ، بوندن بیوک فلاکت متصورمیدر ؟
کیم بواصله ایمان ایتمز ، کیم سورة لیلده وارد اولدینی وجهله (حسنی) یی
تصدیق ایلرسه شبهه سز خسران مین ایچنده قالیر . بواصله شعوری
لاحق اولمایان هر فردک ضاللدن ، سوء حالدن حصه دار اولمی پک
طبیعیدر . صوکره دیگر افراده قارشى اولان معاملاتنده بالطبع حقسز
داورانه جفی ایچون کندیسنه اصابت ایدن اذا اولنورده اصابت ایدر ؛
بنساء علیه عذاب درون ایچنده ، اضطراب وجدان ایچنده قالیر .
بتون بر امتک بو خسرا ندن نصیبی ایسه فردک نصیبندن قیساس قبول
ایتمه جک قدر بیوک اولور .

بوعالم کونده هر بر حرکت ، هر بر عمل کندیسنه منتهی اولان
او قوه عظمایه ، اوقدرت فوق الحیاله ، او حکمت سامیه یه ، اوسلطنت
قاهریه ایمان ایتیم ، ماسوانک بوعظمت خرد فرسایه مسخر اولدینی
تسلیم ایلین آدمک نظری قاصر ، بصیرتی ضعیف ، وهمی عظیم ،
اعتماد ایتدیکی اساس پک متزلزلدر . قارشیسنده کوردیکی قوتلرک
هر برینی موجودیتنه مصدر ظن ایدر ؛ شئون حیاتیه سندن صاحب
تصرف کورر . کندیسنه سببی آکلادینی شر اصابت ایدنجه ینه
اوقوتلر آردسندن خاطرینه کلن برینی سبب اولق اوزره تخیل ایدر ؛
یاخود امکی سبق ایتمکسزین بر خیر اصابت ایده جک اولورسه واهمه سی
اوخیر ایچون علی العیا بر منبع ایجاد ایدر . بنساء علیه نظرنده الاله
چو غایر ؛ طرق اسباب منسد اولور . آراق شئون حیاتیه سندن اعتماد
صحیح اولیه جق شیلره استناده باشلار . بوایسسه پتپرستلکک منشأ
ظهوریدر که عقول بشریه نک فسادینه ، افراده اقوامه نازل اولان
و حالا نازل اولمقده بولنان خسرا نه سببدر .

لکن کوردیکمز بتون قوتلرک بر قوتدن صادر اولدیغنه ، او
قوتکده بر اراده نک تدویر ایتمکده اولدینی نظامه تابع بولندیغنه
ایمان ایدن ، کذلک تصادف ایده جکی خیرک یاخود شرک سببه واقف
اولنجه قدر تحریده بولنق یاخود ایشی مقدر اسبابه وارد رmq هر
بر عاقل ایچون واجب اولدیغنه اعتقاد ایلین آدم شبهه یوقدر که بوضلالک
شرندن امین قالیر ؛ کائناتده موجود اولان اشیانک کافه سی نظرنده مساوی
کورینور . جمله سنک اله واحده عائد اولوب بو خصوصده هیچ برینک
دیگرینه قارشى بر امتیازی اولیه جغنی ، آرده برفرق وارسه خصائص
سائر اعتباریه اوله جغنی یقیناً اکلاز . قلبی هر طرفدن سکونتباب
اولور ؛ اوقوه واحده یه اعتمادی آرته رق اعمال و افعالنده اونک وضع
ایتمش اولدینی قانون ازلینک قطعاً خارجه جیقلماز ، اسباب و مسبباتک
تابع اولدینی نظامدن عبرت الهرق حضور خاطر و اطمینان قلب ایچنده
دم گذار اولور ، قدرت الهیه دن اکلا یه بیله جکی مرتبه یی اکلا دقدن
صکره هیچ برشیدن قورقماز اولور .

بو حکمت سامیه نک انسانلر ادره سنده طوغری یولاری کوستره جک ،
شکوک و شبهات پرده لرینی آچه جق مبشرلر ، منذرلر ظهورینی ایجاب